

Акафист

священномученику Гермогену, епископу Тобольскому

Кондак 1

Взбранный воине Царя Небесного и Христова стада наставниче, добрый и изрядный пастырю священномучениче Гермогене возсиявый на земли Сибирстей яко звезда Богосветлая тем же яко имея дерзновение ко Господу, просвещение нам даруй, да зовем ти: Радуйся, священномучениче Гермогене, Сибирския земли светильниче.

Икос 1

Ангелов Творец, в Троице славимый, предуведевый чистого сердца твоего изволение, показа ты миру быти истинного ревнителя благочестия и любви Христовой воплощение. Ведуще ты инока славна и пастыря предобра, дарова тебе подвигом добрым подвизатися и течение жизни временныя мужественно

скончати, нас же научая тебе воспевать
таковая:

Радуйся, Богом избранный наш пастырю;

Радуйся, увенчанный архиерейской
благодатию;

Радуйся, чистым разумом Бога возлюбивый;

Радуйся, Господу усердно послуживый;

Радуйся, сердце твое в незлобии хранивый;

Радуйся, иго Христова от юности
восприявый;

Радуйся, земли Сибирстей благодатное
дарование;

Радуйся, со всеми святыми неба Церковного
украшение;

Радуйся, священномучениче Гермогене,
Сибирския земли светильниче.

Кондак 2

Видя благопромыслитель Господь души твоея
доброту, направил твой помысл ко исканию
единого на потребу; ты же спасение души
возжелав, навькл еси взывати Богу: Аллилуиа.

Икос 2

Разум божественный имея, всю суету привременная жизни презрел еси, тем же оставив мир и вся яже в мире, приял еси чин ангельский, возрадовав и родителя своего в иерейском чине Богу служившего, сие изволение твое восхваляюще глаголем ти тако:

Радуйся, путем правым шествовал еси;

Радуйся, Царствие Божие обрел еси;

Радуйся, дом родительский оставивый;

Радуйся, за Христом последовавый;

Радуйся, образе кротости и смирения;

Радуйся, восприемниче Христова терпения;

Радуйся, яко Исаак в руки Божий себе отдавый;

Радуйся, любовью к небеси воспаривый;

Радуйся, священномучениче Гермогене, Сибирския земли светильниче.

Кондак 3

Силою Божиею укрепляем, в иноческом подвиге потщался еси Христу Богу непорочным житием благоугодити, в Троице певаемому Богу, яко орган златострунный, взывал еси: Аллилуиа.

Икос 3

Имея благодать священства, добре носиму в благоухающем сосуде души твоея, во граде Тифлисе нраву чистому и благочестию церковному, отроков юных научал еси, тем же видя тя, ревностью учительства пламенеющего, вопием ти сицевая:

Радуйся, помощи Божией непрестанное призывание;

Радуйся, отроков учащихся доброе воспитание;

Радуйся, юности присное вразумление;

Радуйся, буйства ея премудрое исправление;

Радуйся, страху Божию научаяй,

Радуйся, юные сердца благодатию исполняяй;

Радуйся, к жизни вечной руководствуяй;

Радуйся, от смерти греховныя спасааяй;

Радуйся, священномучениче Гермогене, Сибирския земли светильниче.

Кондак 4

Борения сердечныя и печаль душевную претерпел еси, священномучениче Гермогене, в подвиге учительством неленостно пребывая, юноши к церковному служению уготовляя и преуспевати в житии благонравием, отечески наставляя, они же в грядущее жития своего время, с благодарностью пели Богу: Аллилуиа.

Икос 4

Видя премногия труды твоя, Предвечный Архиерей наш, Господь Иисус Христос, жезл архипастырский и паству Саратовскую смотрению твоему вручи. Мы же о сем веселящися, глаголем ти таковая:

Радуйся, вся степени иночества прошедый;

Радуйся, на престоле святительском возседый;

Радуйся, страже Церкви неустрашимый;

Радуйся, делателю винограда Христова неутомимый;

Радуйся, словам жизни научающий;

Радуйся, овцы заблудшие ко Христу призывающий;

Радуйся, во тьме сидяция просветивый;

Радуйся, от погибели их сохранивый;

Радуйся, священномучениче Гермогене,
Сибирския земли светильниче.

Кондак 5

Боготечную звезду показа ты на небесех в сонме священномучеников, Господь Вседержитель, зане и на земли был еси звезда светлая, осиявающая царство православное и путеводствуя ко угождению Единому Богу, во еже воспевати Ему: Аллилуиа.

Икос 5

Видевше ты Россия, яко дерзновеннаго служителя в годину тяжкую для Церкви и народа православного, возвышающаго голос свой за веру и Отечество и сохранение в чистоте заветов апостольских, дивишася подвигу твоему, сего ради и мы до сего дне озаряеми светом твоим, взываем ти:

Радуйся, молитвами сердце свое освятивый;

Радуйся, умныя очеса твоя к небесем возводивый;

Радуйся, вечное спасение возвестивый;

Радуйся, добрый воине Христов явивыйся;

Радуйся, славу небесную паче всего возлюбивый;

Радуйся, в Едином Бозе спасение улучивый;

Радуйся, устами твоими премудрость глаголавый;

Радуйся, светильниче, во тьме века сего возсиявый;

Радуйся, священномучениче Гермогене, Сибирския земли светильниче.

Кондак 6

Проповедник Евангелия и ревнитель благочестия, словом и житием твоим был еси святителю Гермогене. Не утрашился еси поношения человеческого и нападений вражиих. С кротостию и долготерпением принимал еси их яко из руки Божии, Ему же и взывал еси: Аллилуиа.

Икос 6

Возсиял еси на тверди церковней яко светильниче Божий, отче Гермогене, в пастве твоей явился еси наставниче веры, высоты духа и крепосте благочестия. Во граде Саратове и Царицыне во всенародном пении, ходы

Крестные и Богослужения непрестанная,
совершал еси, предъведа времена смутныя. Тем
же достойно славим тя:

Радуйся, пастырю не себе угождаяй;

Радуйся, стадо Христово добре сохраняяй;

Радуйся, жезлом правды нечестие
сокрушивый,

Радуйся, врагов церкви ревностно
обличивый;

Радуйся, ограда крепкая неправедно
обидимым;

(или: Радуйся, Иоанном Кронштадтским
благословенный;)

Радуйся, защищение, правды ради
ненавидимым;

(или: Радуйся, защищение страждущим
усердный;)

Радуйся, меча духовнаго в ножны не
вложивый;

Радуйся, венец мученичества от Господа
получивый;

Радуйся, священномучениче Гермогене,
Сибирския земли светильниче.

Кондак 7

Хотя Человеколюбец Господь, испытати тя яко злато в горниле, разлучив тя от паствы Саратовския и в обитель Жировицкую всели, идеже всецело предавшись подвигу и молитве, братиею возлюблен был еси, за вся благодаря Бога и радостно вопия Ему: Аллилуиа.

Икос 7

Новая и необоримая стена и ограждение нерушимое обители Жировицкия дарова тя Господь, яко подвижника благочестия, преподобне Гермогене. В молитве и плаче о неведущих и заблудших, непоколебимо подвизался еси, и в подобие Христова облеклся еси. Сего ради молитвами твоими свободи нас от работы вражия и научи нас Единому Богу служить, восхваляющих тя сице:

Радуйся, ангелов житием удививый;

Радуйся, от страстей себя свободивый;

Радуйся, горняя мудрствовати научивый;

Радуйся, человечество во Христе прославивый;

Радуйся, Христовых заповедей исполнителю;

Радуйся, благочестия ревнителю;

Радуйся, непреклонный Православия
исповедниче;

Радуйся, иноческих уставов защитниче;

Радуйся, священномучениче Гермогене,
Сибирския земли светильниче.

Кондак 8

Смутное время бед и скорбей попусти
Господь народу Русскому, хотя отделить
пшеницу от плевел и прославить рабов своих,
мы же терпению их непоколебимому за веру
Православную научаемся, славяще Христа Бога,
дивного во святых Своих, поюще Ему: Аллилуиа.

Икос 8

Вся премудро устрояя, Господь, дарова ты
архипастыря земли Сибирския, быти уставам
церковным хранителю и в дни смуты для всех
покровителю, радующеся о твоём к нам
пришествии, воспеваем ти таковая:

Радуйся, веры утверждение

Радуйся, надежды вселение;

Радуйся, любовь Христову являяй;

Радуйся, Богомудрыя умы услаждай;

Радуйся, Боголюбивых душ увеселение;

Радуйся, телес наших исцеление;

Радуйся, об отечестве нашем печальниче;

Радуйся, **Тобольския** кафедры
священноначальниче;

Радуйся, священномучениче **Гермогене**,
Сибирския земли светильниче.

Кондак 9

Вси люди паствы **Тобольския** видевши тя,
святителю, немолчного проповедника и щедрого
благодетеля, любовь Христовою, яко отца о
чадах своих исполненного, и пред престолом
Божиим о нас предстателя, единогласно
воспеша Богу: Аллилуиа.

Икос 9

Витийство песненное наше не возможет по
достоянию изрещи труды твоя, святителю
Гермогене, подвигом бо добрым подвизался,
службы Божественныя совершая, благочестие
проповедал и любовь ко Господу Иисусу горя,
сего ради прими от нас похвалы сия:

Радуйся, святые молитвы совершая;

Радуйся, в трудах неленостных пребываяй;
Радуйся, яко во бдениих усердствовал еси;
Радуйся, яко бесстрастие Христово стяжал еси;

Радуйся, смирения и незлобия учителю;

Радуйся, терпения и миролюбия хранителю;

Радуйся, враги своя любити научаяй;

Радуйся, любовьию вражду побеждадаяй;

Радуйся, священномучениче Гермогене,
Сибирския земли светильниче.

Кондак 10

Спасение вечное всем устроая, определи тебе Господь краткое время святительства твоего на земли Сибирстей, идеже волны нестроений и междуусобныя брани воздвигаемые врагом спасения быша. Ты же, яко адамант веры непоколебимо пребыл еси, поя Богу: Аллилуиа.

Икос 10

Стена тверда и град необорим пребывая прещения мучителей не убоялся еси, святителю,

крестным ходом град Тобольск освящая и царственных узников с высоты Кремля благословляя. Мы же дивящиеся крепости духа твоего поем тебе таковая:

Радуйся, Царя Небеснаго добрый воителю;

Радуйся, царя земнаго верный служителю;

Радуйся, мирскаго мятежа укрощение;

Радуйся, христианскаго подвига возвышение;

Радуйся, мучителем посмеявшийся;

Радуйся, за подвиг исповедничества крепко взявшийся;

Радуйся, сие до конца претерпевший;

Радуйся, верным чадам образ добрый явивший;

Радуйся, священномучениче Гермогене, Сибирския земли светильниче.

Кондак 11

Подвиг мученический, оковы тяжкие, изгнание дальнее и заключение темничное претерпел еси, святителю, егда на мученичество взят был еси людьми злонравными и неверными и во едином граде, во единое время с царственными страстотерпцами пребывал еси,

дондеже достигл еси восхода на Голгофу
страданий твоих, поя укрепляющему тебя Богу:
Аллилуиа.

Икос 11

Слышавши, верныя чада твоя о узах твоих во
Екатеринограде, потщася о освобождении
твоём, но не возмогоша преодолети коварство
мучителей и от них пострадавши победными
почестями от Господа венчались есте,
положивше души своя вкупе с пастырем своим.
Мы же подвиг ваш восхваляющее вопием вам
сице:

Радуйтеся, священномученицы: Ефреме,
Петре, Михаиле, подвиг свой совершивши;

Радуйтеся, мучителевым обманам
пренебрегши.

Радуйся, мучениче Константине, на подвиг
себе отдавый;

Радуйся, священномучениче Гермогене, за
Господа пострадавый.

Радуйся, за Камень веры, Христа, в воду
вверженный.

Радуйся, с камнем на персех твоих
обретенный;

Радуйся, яко тело твое нетленно явися;

Радуйтесь, яко Царствие Божие вам верно дадеся;

Радуйся, священномучениче Гермогене, Сибирския земли светильниче.

Кондак 12

Благодарение возсылая Богу и путь земного жития мученически скончавая, кротко молился еси с пострадавшими с тобою в реце Туре и по мале времени, нетленно обретается на брезе речнем тело твое и честне во град Тобольск приносится и во гробе святителя Иоанна погребается, и ныне прославляется от христианских родов, вопиющих Богу: Аллилуиа.

Икос 12

Пение у гроба твоего, угодниче Божий святителю Гермогене, прими от нас, совершающих память твою, аще и на многая лета сокрыта бысть память твоя, но невозможно есть укрытися светильнику под спудом. Богу же вся мудро устрояющему и светильник веры твоей на свещнице поставляющий и скорого помощника нам являющаго, да вопием тебе таковая:

Радуйся, добрый подвиг совершивший;

Радуйся, тело нетленное благодатию
явивший;

Радуйся, яко сие честне в церкви погребесе; ,

Радуйся, яко оно на исцеление верным
дадесе;

Радуйся, яко силу воскресения Христова
являеши;

Радуйся, яко зарю всеобщего воскресения
показуеши;

Радуйся, истины Православия несомненное
уверение;

Радуйся, веры благодатной неложное
извещение;

Радуйся, священномучениче Гермогене,
Сибирския земли светильниче.

Кондак 13

О священная главо, святой
священномучениче Гермогене, ты бо Господа
Иисуса Христа всею душою возлюбил еси и за

веру Православную и Церковь святую
пострадати изволил еси и на небесех мзду
трудоу твоих восприял еси, но и нас на земли
тебе чтущих не оставил еси, услыши нас
прославляющих и молящих Тя: да умножится в
нас благодать Божия очищающая и
освящающая души наша, да улучивши спасение
вечное благодарственная вопием Богу: Аллилуиа.

Сей кондак читается трижды. Посем Икос 1 и
Кондак 1.



**ПОЛНЬІЙ
АКАФІСТНІК
КАНОНІЧЕСКІЙ**

**АКАФІСТЫ
КО ГОСПОДУ БОГУ
ПРЕСВЯТОЙ
БОГОРОДНИЦЕ
АРХАНГЕЛАМ
И АНГЕЛАМ**

І

**НУЖЕ
*НЕБО**